

LIGJ
Nr.10 017, datë 13.11.2008

PËR PËRCAKTIMIN E POLIGONEVE PËR ASGJËSIMIN E MUNICIONEVE
TË FORCAVE TË ARMATOSURA TË REPUBLIKËS SË SHQIPËRISË

(Ndryshuar me ligjin nr. 10293, datë 1.7.2010)

(I përditësuar)

Në mbështetje të neneve 78 e 83 pika 1 të Kushtetutës, me propozimin e Këshillit të Ministrave,

KUVENDI
I REPUBLIKËS SË SHQIPËRISË

VENDOSI:

KREU I
DISPOZITA TË PËRGJITHSHME

Neni 1

Qëllimi

Ky ligj përcakton sipërfaqet e territorit, prona të shtetit apo në pronësi të subjekteve të tjera, të cilat mund të përdoren si poligone për asgjësimin e municioneve të Forcave të Armatosura të Republikës së Shqipërisë, si dhe mënyrën e administrimit të tyre.

Neni 2

Në këtë ligj, termat e mëposhtëm kanë këto kuptime:

1. “Poligon për asgjësimin e municioneve” është një sipërfaqe territori, me përmasa e kufizime të caktuara, që shërben për asgjësimin e municioneve të kalibrave të ndryshëm, në përdorim të Forcave të Armatosura.

2. “Zonë sigurie” është një sipërfaqe territori, hapësirë ajrore dhe detare, që kufizon, nga të gjitha anët, rrethore, poligonin për zhvillimin normal të asgjësimit të municioneve luftarake.

KREU II
PËRCAKTIMI I POLIGONEVE

Neni 3

1. Poligonet e asgjësimit të municioneve të Forcave të Armatosura përcaktohen në këtë ligj.

2. Këto poligone mund të përdoren edhe për asgjësimin e municioneve të Policisë së Shtetit dhe të municioneve të kapura e të grumbulluara nga kjo polici. Asgjësimi i municioneve, për këtë rast, do të bëhet sipas një marrëveshjeje ndërmjet Ministrisë së Mbrojtjes dhe Ministrisë së Brendshme.

Neni 4

Poligonet për asgjësimin e municioneve

(Shtuar shkronjat “f”, “g”, “gj” dhe “h” me ligjin nr. 10293, datë 1.7.2010)

1. Poligonet për asgjësimin e municioneve të Forcave të Armatosura janë:
 - a) poligoni “Livadhet e Hamzit”, Pukë;
 - b) poligoni “Shën Noi Madh”, Bizë;
 - c) poligoni “Zgarë”, Librazhd;
 - ç) poligoni i Shënmrisë, Gramsh;
 - d) poligoni “Përroi i Bigazit”, Skrapar;
 - dh) poligoni “Fushë Roshaj”, Voskopojë;
 - e) poligoni i Trajlarit, Këlcyrë;
 - ë) poligoni “Jubë”, Sukth, Durrës;
 - f) poligoni Kepi i Skënderbeut, Mat;
 - g) poligoni Zharrë, Tepelenë;
 - gj) poligoni Mali i Tërpanit, Berat;
 - h) poligoni Qafa e Barit, Labinot Mal.
2. Koordinatat e poligoneve të asgjësimit të municioneve të Forcave të Armatosura janë të përcaktuara në genplanet, që i bashkëlidhen këtij ligji.

Neni 4/1

Poligonet për asgjësimin e barutit

(Shtuar me ligjin nr. 10293, datë 1.7.2010)

1. Poligonet për asgjësimin e barutit të Forcave të Armatosura janë:
 - a) poligoni Xibrakë, Elbasan;
 - b) poligoni Lumi i Oltës, Gramsh.
2. Koordinatat e poligoneve të asgjësimit të barutit të Forcave të Armatosura janë të përcaktuara në genplanet, që i bashkëlidhen këtij ligji.

KREU III

ADMINISTRIMI I POLIGONEVE

Neni 5

Administrimi i poligoneve

1. Sipërfaqja e territorit të poligoneve të asgjësimit të municioneve të Forcave të Armatosura të Republikës së Shqipërisë, gjatë periudhës së asgjësimit të tyre, administrohet nga Ministria e Mbrojtjes.
2. Sipërfaqja e tokës së poligoneve, që nuk është pronë shtetërore, do të merret, për nevoja të asgjësimit të municioneve, në përdorim të përkohshëm, në përputhje me ligjin nr.8561, datë 22.12.1999 “Për shpronësimet dhe marrjen në përdorim të përkohshëm të pasurisë, pronë private, për interes publik”.

Neni 6

Marrja e një sipërfaqeje toke jashtë poligonit

Ministria e Mbrojtjes, për nevoja të asgjësimit të municioneve, mund të marrë, në raste të veçanta, në përdorim të përkohshëm, një sipërfaqe jashtë territoreve të poligoneve të përcaktuara në këtë ligj, vetëm sipas ligjit nr.8561, datë 22.12.1999 “Për shpronësimet dhe marrjen në përdorim të përkohshëm të pasurisë, pronë private, për interes publik”.

Neni 7

Funksionimi i poligoneve

Për funksionimin dhe administrimin e poligoneve, Ministri i Mbrojtjes miraton rregulloret përkatëse, të propozuara nga Shtabi i Përgjithshëm i Forcave të Armatosura.

Neni 8

Miratimi paraprak i kërkesës për ndërtim

Ndërtimi i objekteve të përkohshme dhe të përhershme, brenda territorit të poligoneve dhe brezit të sigurisë, bëhet në përputhje me legjislacionin në fuqi dhe vetëm me miratimin paraprak të Ministrit të Mbrojtjes.

Neni 9

Rajone tokësore, hapësira detare dhe korridore ajrore të kufizuara

1. Ministria e Mbrojtjes, për nevoja të asgjësimit të municioneve, përcakton rajone tokësore, hapësira detare e korridore ajrore të kufizuara përkohësisht për qarkullim, lundrim, fluturim, gjueti e çdo veprimtari tjetër, që krijon premisa për shkaktim dëmi, duke njoftuar 30 ditë përpara, me shkrim, organet përkatëse.

2. Për përcaktimin e zonave të kufizuara dhe njoftimin e organeve përkatëse, në zbatim të këtij neni, Ministria e Mbrojtjes, Ministria e Mjedisit, Pyjeve dhe Administrimit të Ujërave, Ministria e Bujqësisë, Ushqimit dhe Mbrojtjes së Konsumatorit, Ministria e Brendshme, Ministria e Punëve Publike, Transportit dhe Telekomunikacionit dhe Ministria e Turizmit, Kulturës, Rinisë dhe Sporteve nxjerrin një udhëzim të përbashkët.

Neni 10

Vendet e ndaluara për realizimin e asgjësimit të municioneve

(Ndryshuar me ligjin nr. 10293, datë 1.7.2010)

1. Ndalohet realizimi i asgjësimit të municioneve në det dhe jashtë kufirit shtetëror.

2. Distanca të sigurisë nga instalimet e shpimit dhe të shfrytëzimit të naftës, qendrat e banuara, rezervuarët, digat dhe vendet me rezerva të burimeve nënujore, monumentet e natyrës, zonat e mbrojtura, monumentet e kulturës të kategorisë I e II e zonat e tyre të mbrojtura dhe korridoret e hyrjes e të daljes së aviacionit civil në hapësirën ajrore të vendit do të jenë sipas përcaktimeve të bëra nga Ministria e Mbrojtjes, në përputhje me standardet e asgjësimit të municioneve.

3. Për përcaktimin e këtyre distancave merret mendimi i Agjencisë së Shërbimit Arkeologjik, ndërsa për distancat e sigurisë nga digat e rezervuarëve të bujqësisë merret mendimi i Komitetit Kombëtar të Digave të Mëdha.

KREU IV KOMPENSIMI I DËMEVE DHE NJOFTIMI I POPULLSISË

Neni 11

Mënyra e kompensimit të dëmeve

1. Dëmet e shkaktuara, si rrjedhojë e asgjësimit të municioneve të Forcave të Armatosura të Republikës së Shqipërisë, kompensohen në mënyrë të drejtpërdrejtë dhe sipas marrëveshjes ndërmjet Ministrisë së Mbrojtjes dhe palëve të dëmtuara.

2. Nëse konflikti nuk zgjidhet me marrëveshje, atëherë palët i drejtohen gjykatës përkatëse.

Neni 12

Dëmtimet e mjedisit

1. Dëmet që i shkaktohen mjedisit, si pasojë e asgjësimit të municioneve luftarake, rimbursohen nga buxheti i Ministrisë së Mbrojtjes, megjithëse forcat ushtarake, që kryejnë asgjësimin e municioneve në këto poligone, janë të detyruara të marrin masat e nevojshme, për të minimizuar në maksimum dëmet, që mund t'i shkaktohen mjedisit.

2. Ministria e Mbrojtjes, Ministria e Mjedisit, Pyjeve dhe Administrimit të Ujërave, Ministria e Bujqësisë, Ushqimit dhe Mbrojtjes së Konsumatorit e Ministria e Turizmit, Kulturës, Rinisë dhe Sporteve nxjerrin udhëzimin e përbashkët për mënyrën e kthimit në gjendjen fillestare të mjedisit të dëmtuar dhe të rimbursimit të fondeve të nevojshme.

Neni 13

Bashkëpunimi me institucionet

1. Njësitë përkatëse të Forcave të Armatosura, 30 ditë përpara zhvillimit të asgjësimit të municioneve, njoftojnë organet e qeverisjes vendore, në territorin e të cilave shtrihet poligoni, apo të atyre, me të cilat kufizohet poligoni.

2. Organet e qeverisjes vendore janë të detyruara që, brenda 5 ditëve nga data e marrjes së njoftimit, të bëjnë njoftimin e popullsisë përreth. Njoftimi bëhet 5 ditë rresht në gazetatat vendore, televizionet vendore, si dhe për komunat, që nuk i kanë këto mjete, me shpallje në një vend të dukshëm.

3. Ministria e Mbrojtjes bashkëpunon me Agjencinë e Shërbimit Arkeologjik për kryerjen në terren tëurvejimit arkeologjik, para fillimit të operacioneve të asgjësimit të municioneve, si dhe gjatë kohës së kryerjes së tyre.

4. Ministria e Mbrojtjes bashkëpunon me Komitetin Shtetëror të Mbrojtjes së Tokës për parandalimin e dëmtimeve, që mund t'i bëhen tokës bujqësore, gjatë kryerjes së asgjësimit të municioneve në poligone.

KREU V DISPOZITA TË FUNDIT

Neni 14

Nxjerrja e akteve nënligjore

1. Ngarkohen Ministria e Mbrojtjes, Ministria e Mjedisit, Pyjeve dhe Administrimit të Ujërave, Ministria e Bujqësisë, Ushqimit dhe Mbrojtjes së Konsumatorit, Ministria e Brendshme, Ministria e Punëve Publike, Transportit dhe Telekomunikacionit dhe Ministria e Turizmit, Kulturës, Rinisë dhe Sporteve që, brenda gjashtë muajve nga data e hyrjes në fuqi të ligjit, të nxjerrin udhëzimin e përbashkët, në zbatim të nenit 9 të këtij ligji.


2. Ngarkohen Ministria e Mbrojtjes, Ministria e Mjedisit, Pyjeve dhe Administrimit të Ujërave, Ministria e Bujqësisë, Ushqimit dhe Mbrojtjes së Konsumatorit dhe Ministria e Turizmit, Kulturës, Rinisë dhe Sporteve që, brenda gjashtë muajve nga data e hyrjes në fuqi të ligjit, të nxjerrin udhëzimin e përbashkët, në zbatim të nenit 12 të këtij ligji.

Neni 15 **Hyrja në fuqi**

Ky ligj hyn në fuqi 15 ditë pas botimit në Fletoren Zyrtare.

**Shpallur me dekreten nr.5950, datë 24.11.2008 të Presidentit të Republikës së Shqipërisë,
Bamir Topi**

POLIGONI I TRAJLARIT (KËLCYRË)



SHPJEGUSE

Ndodhet në komunën Dishnicë,
rreth 6.7 km larg qytetit të
Këlcyrës.

Largësia nga qendra e
shpërthimit deri tek shtëpia e
parë e fshatit është 770 m.

Sipërfaqe e poligonit të
asgjësimit është 1 538 600 m²,
ndërsa e vatrës së asgjësimit
25447 m².

Koordinatat Gjeografike të
poligonit të asgjësimit dhe të
vatrës N=40°21'49.1" dhe
E=20°13'25.4".



Distanca e sigurisë



Vatra e asgjësimit

PE- Pikë furnizimi materiale
eksplozive

PGMA- Pikë grumbullimi
municioni për asgjësim




Roje

IRRES

POLIGONI GRYKEDERDHA E LUMIT ERZEN JUBE-DURRES

ITEM I KOORDINATE SHETERORE



POLIGONI FUSHE ROSHAJ (VOSKOPOJE)


Shpjegje

1. Distanca nga qyteti me i afë
Voskopje ne vije ajrore = 4.4 km
2. Distanca nga rruga nacionale
Voskopje Gjergjevice = 1.22 km
3. Koordinatat gjeografike te
vates se asgjesimit dhe poligonit

N = 40° 35' 47.9"

E = 20° 36' 33.7"

4. siperfaqja e vates se
asgjesimit = 25446.9 m².
5. siperfaqja e pooligonit te
asgjesimit = 3141592. 65m²



○ Distanca e sigurisë

⊕ Vatra e asgjesimit

■ PGMA Pikë grumbullimi municionesh për asgjesim

■ PE Pikë përzierimi me materiale eksplozive

◇ Roje

SHKALLA 1 : 10 000

POLIGONI ZGARE (LIBRAZHD)



Shpjegje

1. Distanca nga qyteti me i afert Librazhd ne vije ajrore = 4.5 km.
2. Distanca nga rruga nacionale Elbasan-Librazhd = 6.07 km.
3. Koordinatat gjeografike te vates se asgjesimit dhe poligonit.

N = 41° 11' 59.41"

E = 20° 16' 11.56"

4. siperfaqja e vates se asgjesimit = 25446.9 m².
5. siperfaqja e pooligonit te asgjesimit = 3141592. 65m²



Distanca e Siquirise



Vatra e asgjesimit

PE

Pike furnizimi me materiale eksplozive

PGMA

Pike grumbullimi municionesh per asgjesim



Roje

SHKALLA 1 : 10 000

POLIGONI SHËN NOI MADH (BIZË)

SHPJEGUSE

Distanca 49 km në VL të qytetit të Tiranës.

Fshatrat Shëngjergjit, Verria, Burimasi, Ballgjinasi, Kostenja, Ballenja, Thekna, Peshku., janë 2-7 km larg poligonit.

Sipërfaqe e poligonit të asgjësimit është 3 141 593 m², ndërsa e vatrës së asgjësimit 25 447 m².

Koordinatat Gjeografike të poligonit të asgjësimit dhe të vatrës

N=41°20'55.2" dhe
E=20°10'53.5".



Distanca e sigurisë



Vatra e asgjësimit




PE- Pikë furnizimi materiale eksplozive



PGMA- Pikë grumbullimi municione për asgjësim



Roje




POLIGONI LIVADHET E HAMZIT (PUKE)

Shpjegjese

1. Distanca nga qyteti me i af Puka ne vije ajrore = 7.8 km
2. Distanca nga rruga nacion Puke-Kukes = 12.32 km.
3. Koordinatat gjeografike te vates se asgjesimit dhe poli:
N = 41° 58' 55.32"
E = 19° 56' 38.09"
4. siperfaqja e vates se asgjesimit = 25446.9 m².
5. siperfaqja e pooligonit te asgjesimit = 3141592.65m²

- Distanca e sigurisë
- ⊕ Vatra e asgjesimit
- PE Pikë furnizimi me materiale eksplo
- PGMA Pikë grumbullimi municionesh për as
- ◇ Roje



POLIGONI PËRROI I BIGASIT (SKRAPAR)

SHPJEGJESË

Ndodhet në largësi mbi 4.5 km nga qyteti i Çorovodës.

Largësia nga qendra e shpërthimit deri tek shtëpia e parë e fshatit Dhorës është 1.3 km, ndërsa deri tek depoja më e afërt është 300 m.

Sipërfaqe e poligonit të asgjësimit është 282 600 m², ndërsa e vatrës së asgjësimit 7850 m².

Koordinatat Gjeografike të poligonit të asgjësimit dhe të vatrës N=40°27'38.6" dhe E=20°16'53.2".


 Distanca e sigurisë

 Vatra e asgjësimit


 PE- Pikë furnizimi materiale eksplozive

 PGMA- Pikë grumbullimi municione për asgjësim

 Roje



POLIGONI I SHËNMËRIZË (GRAMSH)



SHPJEGUSE

Distanca nga qyteti i Gramshit në vijë ajrore është 5.2 km, ndërsa nga rruga automobilistike Gramsh-Lozhan është 4.5 km. Sipërfaqe e poligonit të asgjësimit është 1 538 600 m², ndërsa e vatrës së asgjësimit 25 447 m².

Koordinatat Gjeografike të poligonit të asgjësimit dhe të vatrës

N=40°49'48.4"

E=20°09'11.2"



Distanca e sigurisë



Vatra e asgjësimit



PE- Pikë furnizimi materiale eksplozive




PGMA- Pikë grumbullimi municione për asgjësim



Roje

POLIGONI GRYKEDERDHA E LUMIT ERZEN JUBE-DURRES

TEMI I KOORDINATAVE SHITESORE




1. Distanca nga fs
Jub ne vije ajrore
2. Distanca nga rr
Tirane-Durres =
3. Koordinatat gje
vates se asgjesin
N = 41 26'
E = 19 27'
4. siperfaqja e vat
asgjesimit = 2544'
5. siperfaqja e por
asgjesimit = 3141'

○ Distanca e Sigurisë
● Vatra e Asgjes
■ PE Fikë furnimi materij
■ POMA Fikë grumbullimi rruz
◇ Reje

(Shtuar me ligjin nr. 10293, datë 1.7.2010)

POLIGONI I ASGJESIMIT TE MUNICIONEVE
KEPI I SKENDERBEUT MAT




SHPJEGUESE


1. DISTANCA NE VJUE TE DREJTE
NGA QYTETI ME I AFERT(BURREL)=15KM
 2. DISTANCA NGA RRUGA NACIONALE
BURREL QAF MURRE=1500 M
 3. KOORDINATAT GJEOGRAFIKE TE VATRES SE ASGJESIMIT
N = 41°39'37.81"
E = 20°11'44.06"
 4. DISTANCA NGA MINIERA= 800M
 5. DISTANCA NGA SHTEPIA ME E AFERT=1600 M
 6. LARTESIA MBI NIVELIN E DETIT 1160M
 7. SIPERFAQJA E VATRES SE ASGJESIMIT= 5000 M2
 8. SIPERFAQJA E SIGURISE
SE POLIGONIT TE ASGJESIMIT= 2010619 M2
- DISTANCA E SIGURISE
VATRA E ASGJESIMIT
- PIKE FURNIZIMI ME MATERIALE EKSPLOZIVE
- PIKE GRUMBULLIMI MUNICIONEVE PER ASGJESIM
- ROJE

(Shtuar me ligjin nr. 10293, datë 1.7.2010)


POLIGONI I ASGJESIMIT TE MUNICIONEVE
MALI I TERPANIT BERAT




(Shtuar me ligjin nr. 10293, datë 1.7.2010)



(Shtuar me ligjin nr. 10293, datë 1.7.2010)



(Shtuar me ligjin nr. 10293, datë 1.7.2010)



(Shtuar me ligjin nr. 10293, datë 1.7.2010)

